



Il luf-tscherver en la trapla dal Parc Naziunal Svizzer.

FOTO H. HALLER

Luf-tscherver cun GPS

(Iq) L'enviern passà ha il Parc Naziunal Svizzer (PNS) dà in emettur cun GPS al luf-tscherver masculin. Quel deriva dal Tössstock (cunfin tranter ils chantuns da S. Gagl e Turitg). Cun il project da Luno èn luf-tschervers vegnids translocads en la Svizra nordorientala dapi 2001. Quest luf-tscherver dal PNS è entant emigrà lunsch en las Alps talianas.

Il 5 da december 2007 avevan ins vis in luf-tscherver en il Parc Naziunal Svizzer per l'emprima giada dapi pli che 25 onns. Il 22 da favrer han ins savì tschiffar il luf masculin da 24 kilos. Ins ha equipà el cun in emettur da GPS. Provas da sang han mussà precis che quel luf dal Parc è in animal giuven da Nema e Turo che vivan anc adina al Tössstock.